

附年譜

慶勤僖公榮哀錄

甲子仲夏

瀋陽後學王光烈題



慶勤僖公像贊

番漢銜恩崇祠饗魂吾吟某都護
之言人捍牧圉途贈縞紵吾聞某軍
官之語時公歿數稔矣死而不死民彝

大理茲紀榮哀想像徘徊不著纖埃
清風往

衣金鎧敬題

慶勤僖公榮哀

肖像

予諡諭旨

御賜祭文

省長訓令

遺摺

呈稿

公祭文

家祭文

矛諡告文

行狀

呈請國史館立傳稿

輓聯

募捐公啓

捐助芳名錄

往來函電

六旬晉八壽序

七旬雙壽序

附年譜


跋



宣統十一年四月初四日


奉

上諭前西甯辦事大臣慶恕由進士籤分部曹薦升
府道擢任西甯辦事大臣宜力有年克盡厥職茲
聞溘逝軫惜殊深著加恩予諡勤僖應有卹典該
衙門查例具奏欽此



宣統皇帝御賜祭文

原夫砥礪官方禮崇耆老果建勲勞於廊廟允宜
致祭以馨香爾前任西甯辦事大臣慶恕立志公
忠持躬端謹黽勉盡職清白自操廉潔既昭乎高
誼謀猷久著夫邊疆方冀上壽無憂常承恩眷詎
意沈疴遽構莫享遐齡爰命撰文用錫奠醑於戲
書思對命篤敬常念平生前侍值趨朝永離切悲
夫身後爾靈有知尙其歆格



奉天省長公署訓令第

八三

號

令前西甯辦事長官慶恕家屬

案准

銓叙局咨開。奉院交貴巡閱使電請。給予前西甯辦事長官慶恕卹金一案。業經本局援案請予喪葬費壹千元奉令照准在案。除通知財政部。將上項卹金。劃交奉天財政廳轉發外。相應將慶恕特別卹款證書一件。送請貴巡閱使轉飭發交該遺族。照章具領可也。等因。計送卹金證書一件。准此。除將備查一聯發交財政廳外。合將證書令發該家屬。即便遵照赴廳具領。此令。

計發卹金證書一件

中華民國九年一月

廿

日

東三省巡閱使
兼奉天督軍
省長張作霖

張志良監印

前鎮守西甯辦事大臣臣慶恕跪

奏爲臣餘生將盡謹瀝微忱恭進遺摺仰祈

聖鑒事竊臣於民國初元恭讀

先皇太后禪詔時當卽奏請開缺旋經民國大總統批准臣卽交卸任事

回奉天本旗蟻伏鄉里忽忽八年而臣犬馬之齒已八十矣不意

今春寒暖不時風痰疾作臣粗知醫術知不可爲每念

先皇與我

皇上屢施高天厚地之恩竟無墜露輕塵之報况值此易竇蓋棺之際

愈難償瞻

天仰

聖之思報効涓埃此生長已惟願從此

聖學日懋

聖壽無疆子孫萬代永永無極則

臣雖死之日猶生之年矣爲此伏枕

哀鳴命嗣孫

毓權

敬謹繕寫呈請奉天省長代陳臨書不勝鳴咽

依戀屏營之至

臣謹

奏

呈爲懇請轉遞遺摺事

棘人

先祖考慶恕係盛京鑲黃旗滿洲人原

任鎮守西甯辦事大臣於民國元年呈請開缺奉

大總統批准後卽交卸任事回奉天本旗於今八載年已八旬不意今

春偶染風寒痰嗽大作先祖考素明醫理知必不起每思前朝恩遇不

禁涕泗交頤因伏枕口授遺摺命

棘人

繕寫旋於本年四月二十日未

時以疾終於省寓

棘人

呼天搶地百身莫贖因將先祖考所授遺摺敬

謹包封謹請轉遞

清皇室俾螻蟻微忱上達舊主則

棘人

先祖考當

永永銜感於地下矣爲此泣血謹

呈

奉天省長張

棘人毓權

年十八歲 奉天滿洲廂黃旗人

公祭慶勤僖公文

李維楨 芝棟

維

中華民國八年五月二十日前翰林院學士錫鈞前翰林院編修保送知府孫百斛前翰林院侍講學士世榮前翰林院待詔舉人王書銘前吉林綏遠知事舉人春瀨前資政院議員譚書銘前兵部員外郎郭振鏞前開原稅捐徵收局局長魯侯東奉天省議會議長白永貞副議長秦玉璞公署參議于冲漢秘書長袁金鎧外交部奉天交涉特派員關海清財政廳廳長王永江清鄉局督辦王迺斌清丈局局長張之漢官銀號總辦劉尙清弓長嶺鐵礦總辦李友蘭國立高等師範校長孫其昌電燈廠廠長孫祖昌女子師範校長戴裕忱同善堂女子實業學校校長伊純財政廳科員張世榮清丈局催欸員文葆謹以香楮酒醴庶羞之品致祭於

誥授振威將軍資政大夫

賜謚勤僖慶府君雲閣先生之靈曰嗚呼人生浮世若曜靈騁轡兮欸陽
谷而虞淵匪金剛之不壞兮孰長葆此頽年抗前修而渺近代兮惟卓詛
其必傳悵老成之彫謝兮胡奄逝而難延惟先生之篤生兮挺瓌姿於
髫幼鳴綠蘊其涵泓兮天柱分其神秀雋鸞序而耀棘闈兮蔚高文如綺
繡美偉器之交推兮非瑚璉璠璣其孰副歲柔兆之夏孟兮月鶉首以昏
中染春袍而柳綠兮霑曲讌而櫻紅入農曹而奉職兮飄兩袖之清風瑋
閭公之高介兮獨刮目於吳蒙躬執矩以爲方兮胸分流而不吝綜百度
之浩穰兮擅明察之斤斤稽張憲之租庸兮釐孔謙之饋餼廓宿弊而一
清兮胥精心所默運才既堪夫艱鉅兮名噉噉而彌章握一麾而出守兮
駐熊軾於甘涼獷回民之健訟兮盜攘奪以披猖獨安良而俎醊兮化梟